

PRIJEDLOG

Na osnovu člana 55. Statuta Općine Ilijaš, prečišćeni tekst ("Službene novine Kantona Sarajevo", broj: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10 i 18/15), Općinsko vijeće Ilijaš na svojoj redovnoj 34.sjednici održanoj 29.oktobra 2015.godine, donijelo je:

ODLUKU

o usvajanju "Lokalnog akcionog plana za provedbu UN Rezolucije 1325 u Općini Ilijaš za period 2016-2017. godine"

Član 1.

Ovom odlukom Općinsko vijeće Ilijaš usvaja "Lokalni akcioni plan za provedbu UN Rezolucije 1325 u Općini Ilijaš za period 2016-2017. godine.

Član 2.

"Lokalni akcioni plan za provedbu UN Rezolucije 1325 u Općini Ilijaš za period 2016-2017. godine" čini sastavni dio ove Odluke.

Član 3.

Ovlašćuje se Općinski načelnik da imenuje Koordinacioni tim koji će koordinirati procesom implementacije "Lokalnog akcionog plana za provedbu UN Rezolucije 1325 u Općini Ilijaš za period 2016-2017.godine".

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj: _____
Ilijaš, 29. oktobar 2015.godine

Predsjedavajući
Općinskog vijeća Ilijaš

Damir Filipović, s.r.

O b r a z l o ž e n j e:

Pravni osnov za donošenje Odluke o usvajanju Lokalnog akcionog plana za provedbu UN Rezolucije 1325 (LAP UNR 1325) u Općini Ilijaš za period 2016-2017. godine nalazi se u članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) kojim su definisane nadležnosti Općinskog vijeća i u članu 99. Poslovnika Općinskog vijeća Ilijaš ("Službene novine Kantona Sarajevo", broj:2/10) kojim su definisani propisi koje donosi Općinsko vijeće.

Nevladina organizacija "ANDANTE SEE" u saradnji sa Agencijom za ravnopravnost spolova BiH, Ministarstva za ljudska prava i izbjeglice BiH, provodi projekat „Ravnopravnost spolova – put ka ostvarivanju ljudske sigurnosti“, koji se zasniva na Akcionom planu za implementaciju UN Rezolucije 1325 - Žene, mir i sigurnost u Bosni i Hercegovini. Bosna i Hercegovina je prva država u regionu, a osma u Evropi koja je, 2010. godine usvojila Akcioni plan za implementaciju UN Rezoluciju 1325: "Žene, mir i sigurnost", što je obaveza za sve države članice Ujedinjenih nacija. U julu 2014. godine usvojen je drugi po redu Akcioni plan za period 2014.- 2017.godine.

Koordinacija Agencije, nadležnih institucija i nevladinih organizacija je neophodna za provedbu Akcionog plana. Agencija za ravnopravnost spolova BiH i NVO-e, do sada su radili na provedbi niza aktivnosti i na lokalnom nivou, kroz izradu i usvajanje lokalnih akcionih planova za primjenu UN Rezolucije.

Glavni cilj lokalnih akcionih planova je postizanje veće sigurnosti lokalnih zajednica sa aspekta ravnopravnosti spolova. To podrazumijeva učešće većeg broja žena na mjestima odlučivanja, jačanje kapaciteta predstavnika/ca organa lokalne samouprave, lokalnih institucija i policijskih struktura radi postizanja veće sigurnosti žena, muškaraca, djevojčica i dječaka od svih oblika zastrašivanja, nasilja, neravnopravnog tretmana i diskriminacije sa kojima se svakodnevno susreću.

Međutim, i na lokalnom nivou postoji niz ograničenja. Zastupljenost žena na mjestima donošenja odluka na lokalnom nivou vlasti je niska (cca 20%). Ne postoji razvijena svijest ni stručne ni šire javnosti o pitanjima ravnopravnosti spolova, te sigurnosti građana i građanki iz perspektive ravnopravne zastupljenosti spolova, te različitim sigurnosnim potrebama žena i muškaraca. Djelovanje gender institucionalnih mehanizama na općinskom nivou, općenito, je ograničeno. Općine ne prikupljaju podatke razvrstane po spolu; ne provode se socio-ekonomske analize koje bi se mogle koristiti kao osnova za definisanje mjera, planova i programa za promoviranje ravnopravnosti spolova i osnaživanja žena.

Prije izrade Lokalnog akcionog plana za provedbu UN Rezolucije 1325 (LAP UNR 1325) u Općini Ilijaš za period 2016-2017. godine urađena je analiza postojećeg stanja, odnosno analiza stanja sigurnosti sa aspekta ravnopravnosti spolova i mapiranje potreba u općini Ilijaš (Baseline studija) na osnovu koje su definisani ciljevi i aktivnosti akcionog plana. Analiza je pokazala nepostojanje kapaciteta za izradu lokalnih politika koje se odnose na pitanja sigurnosti građana i građanki, pogotovo uzimajući u obzir različite potrebe žena i muškaraca. Nakon toga 25.08.2015.godine održan je trening na temu „Ravnopravnost spolova i sigurnost“, na kojoj su predstavljeni rezultati Analize početnog stanja i Nacrt Lokalnog akcionog plana za provedbu UN Rezolucije 1325 (LAP UNR 1325) u Općini Ilijaš za period 2016-2017. godine.

Ovaj akcioni plan treba da doprinese povećanju nivoa sigurnosti lokalne zajednice, odnosno unaprijeđenju sigurnosti građanki i građana u lokalnoj zajednici kroz poštivanje i primjenu domaćih i međunarodnih standarda za ravnopravnost spolova, te s tim u vezi predložimo Općinskom vijeću Ilijaš da usvoji predloženu Odluku.

Nosilac stručne obrade: Služba za društvene djelatnosti

Predlagač: Općinski Načelnik